

huiusmodi interdicti relaxationis beneficium obtinere contradictores. Invocato etiam ad hoc si opus fuerit auxilio brachii secularis per censuras ecclesiasticas et alia iuris opportuna remedia appellatione postposita compescendo. Et insuper, ut praesentes litterae ad notitiam monitorum praedictorum facilius pervenire valeant, cum ad illos de praemissis certiorandos personaliterque monendos tutus non pateat accessus ob illorum potentiam, volumus et mandamus easdem litteras vel ipsarum transumpta autentica cum manu publica Notarii sive alicuius dictae Camerae Clerici subscriptio, quibus fidem adhiberi volumus, in Bononiense Mutinense aut Imolense ecclesiarum circumvicinorum locorum de quibus verisimilis conjectura sit quod ipsos monitos possint de facili pervenire, valvis affigi; quas post affixionem huiusmodi eosdem monitos perinde aretare decernimus, ac si eis praesentialiter et personaliter intimatae essent et intimarentur, non obstantibus Constitutionibus et ordinationibus nec non quibuscumque privilegiis et indultis apostolicis eisdem excommunicatis privatis et interdictis personis ecclesiis monasteriis civitatibus terris et locis concessis, per quas effectus praesentium perturbari aut alias quomodolibet differri posset, et quibuslibet privilegiis indulgentiis et litteris apostolicis generalibus vel specialibus, quae etiam si de illis eorumque totis tenoribus specialis specifica et expressa mentio praesentibus habenda foret, eisdem excommunicatis, privatis et interdictis quoad praemissa nolumus aliquatenus suffragari caeterisque contrariis quibuscumque, seu si excommunicatis aggravatis et interdictis personis, ecclesiis, monasteriis, civitatibus et locis praedictis vel quibusvis aliis comuniter vel divisim ab apostolica sit Sede indultum quod interdicti, suspendi vel excommunicari aut privari non possint per litteras apostolicas non facientes plenam et expressam de indulto huiusmodi ac eorum nominibus cognominibus dignitatibus qualitatibus et ordinibus mentionem. Nulli ergo omnino hominum liceat hanc paginam nostrae monitionis assignationis innodationis aggravationis subiectionis decreti privationis mandati et voluntatis infringere, vel ei ausu temerario contraire. Si quis autem hoc attemptare praesumpserit, indignationem Omnipotentis Dei ac beatorum Petri et Pauli Apostolorum eius se noverit incursum.

Datum Romae apud Sanctum Petrum. Anno Incarnationis Dominicae Millesimo quingentesimo vigesimo primo.

Sexto Calendas Augusti. Pontificatus Nostri Anno Nonno.

*Edictum Imperiale contra Regem Gallum.* 299<sup>1)</sup>

Nos Carolus Divina favente clementia etc. Romanorum Imperator semper Augustus, Rex Germaniae, Castellae, Aragonum, utriusque Siciliae, Hierusalem, Hungariae, Dalmatiae, Croatiae, Legionis, Navarrae, Granatae, Toletae, Valentiae, Galletiae, Maioricarum, Hispalis, Sardiniae, Cordubae, Corsicae, Murciae, Giennis, Algarbii, Aliezirae, Gibraltaris, Insularum Canariae, Indiarumque Insularum et Terrae firmae, Maris oceani, Archidux Austriae, Dux Burgundiae, et Brabantiae, et Comes Barchinonae, Flandriae et Tirolis, Dominus Vizcayaee et Molinae, Dux Athenarum et Neopatriae, Comes Rossilionis et Ceritaniae, Marchio Oristani et Gociani. Cum de his, quae aguntur omnibus constare velimus, ne sint qui ignoratione rerum se excusent, has voluntatis nostrae indices publice legendas damus. Cum nobis summum studium esset, ut saedatis domesticis discordiis communi Christianorum auspicio arma in sempiternos nominis nostri hostes inferrentur, compositis cum Rege Gallo rebus pro viribus adnixi sumus, ut quae exterminata pax esse videbatur, tanquam ab exilio revocata in sedes suas reduceretur. Interiectis postea paucis diebus, cum ad constituendam publicam concordiam a Summo Pontifice invitaremur, quinquennii inducias primi admisimus, 300<sup>2)</sup> propositoque veluti salutari signo republicam salvam cupientes, bene sperare iussimus. Nec longum, cum frequentibus nunciis de incredibili apparatu hostium renunciantibus ad custodienda maria conversi, ingentem classem comparavimus, utque de pietate nostra, quam parcissime loquamur, soli fuimus qui republicam defendendam suscepimus, Rege Gallo cum a summo Pontifice adiuvandam Religionem rogaretur nequaquam dicere verito, curam religionis susciperent, qui finitimi hostibus essent, cum ad se iretur se sua defensurum esse. Longe enim Rex iste a conservandae reipublicae studio aberat, quaeque eius gentis conditio est, consilia novandarum rerum publico malo jam tum inibat. Delatum interim ad nos Imperium est. Quo facto, cum volente Deo, respublica nobis committi videretur, relicta Hispania in Germaniam venimus, appellataque universa ea natione, omnia studia nostra ad sublevandam Religionem contulimus. Procede-  
bat res beneque sperari poterat, si respublica

(1) La carta 298\* è bianca.

(2) La carta 299\* è bianca.